

Sekretáriu Estadu Konselhu Ministrus no Porta-vòs Ofisiál Governu Timor-Leste Ágio Pereira



14 Novembru, 2011
Díli, Timor-Leste

Timor-Leste halo progresu atu tulun ne'ebé fó husi Parseiru Dezenvolvimentu bele halo konsulta iha internet

Atu lansa Planu Estratéjiku Dezenvolvimentu ba tinan 2011 to'o 2030, Timor-Leste buka atu garante katak ninia sidadaun sira tau ferramenta sira ne'ebé mak presiza hodi partisipa iha prosesu konstrusaun nasionál. Hanesan parte ida husi projetu “**Orsamentu Tornadu Simples iha 2012**”, sei bele halo konsulta kona-ba fundu husi tulun internasionál iha internet.

Bainhira lansa iniciativa spesífika sira hanesan kona-ba fahe informasaun Sensus nian ba suku hotu-hotu no finansiamentu portál elekróniku sira nian hanesan portál orsamentu no Aprovizionamentu nian, ne'ebé sai fásil hodi utiliza, Governu fó ona asesu transparente no fundamentál kona-ba informasaun ba comunidade lokál no parseiru internasionál sira.

Sekretáriu Estadu Ágio Pereira hatete katak: “Karik koñesimentu mak podér, entaun ita, nu'udar Governu, iha responsabilidade atu fó podér ba ita nia sidadaun sira atu sira bele sai ajente ativu iha prosesu dezenvolvimentu. La depende ba halo parte iha setór privadu, sosiedade sivil ka meu komunikasaun sosiál, ka sai inan atu hodi kuidadu nia familia iha uma laran, kada sidadaun presiza hatene no komprende iha ne'ebé mak ita hasoru malu hanesan nasaun, atu hakarak bá iha ne'ebé no ida ne'ebé mak bele sai ita nia kna'ar individuál iha prosesu konkretizasaun ba ita nia objetivu sira”.

Prosesu ne'e haluan tiha ona iha lora 28 fulan Outubru 2011, ho Parseiru Dezenvolvimentu sira halo ona asesu ba sistema liu husi internet. Sistema foun ne'e hari ona atu hodi permiti ba ema hotu, hahú husi Governu to'o ba comunidade lokál sira, atu fó informasaun ne'ebé permiti análize no konkretizasaun ba dadus kona-ba tulun ne'ebé mak tama iha Timor-Leste.

Ho Parseiru Dezenvolvimentu 46 no ONGs 302 ne'ebé hakarak atu kontribui ba dezenvolvimentu iha Timor-Leste, ida ne'e importante tebe-tebes atu implementa sistema ida ne'ebé, ba dahuluk, bele fornese dadus ne'ebé mak abranje kona-ba tulun hirak ne'ebé fó mai no ba daruak, bele fasilita informasaun sira kona-ba implementasaun projetu no programa, atu labele iha duplikasaun ba programa, desperdísu ka dezigualdade ba iha nível distribuisaun nian. Ida ne'e, permite ba Parseiru Dezenvolvimentu no ba Governu hodi koordena, entre buat seluk, hanesan programasaun, finansiamentu, igualdade iha distribuisaun no hadi'a rezultadu orsamentu ne'ebé hateten kona-ba setór sira.

Ho Plataforma Jestaun Ajuda (PJA) nian, ajente hotu-hotu sei iha liután facilidade atu afeta, propoin no harmoniza planeamentu dezenvolvimentu nian, nune'e mós utiliza ferramenta hanesan rekursu importante ida atu halo monitorizasaun no avaliasaun efikásia globál tulun nian.

Diresaun Nasionál Efikásia Ajuda nian hala'o ona servisu besik liu ho Parseiru Dezenvolvimentu pilotu nain lima kona-ba sistema no konta podér servisu ho Parseiru Dezenvolvimentu hotu iha formasaun no insersaun dadus ba sistema iha preparasaun ba tinan 2012.

KOMUNIKASIAUN

Sekretáriu Estadu Konsellu Ministru termina hodi hatete katak “Timor-Leste lansa hela funsaun hirak ne’ebé mak presiza ba konstrusaun Estadu atu hodi ezejuta nia vizaun no nia planu dezenvolvimentu ho ita nia Povu, ho ita nia parseiru dezenvolvimentu, ho sosiedade sivil no ho setór privadu. Sistema foun ne’ebé hodi koordena tulun hirak ne’ebé tama mai no halo sai transparente no kompreensível, hanesan permiti ninia asesu lalais atu hodi bele halo análize no avaliasaun, sai nu’udar pasu ida importante ba Timor-Leste, tanba ne’e, ita fó agradese ba sira hotu ne’ebé hola parte iha lansamentu programa ida ne’e nian. **FIN**

Atu hetan informasaun liutan halo favor kontaktu:

Ágio Pereira

+670 723 0011

agiopereira@cdm.gov.tl

or

govtlmedia@gmail.com

Portal electrónico:

www.timor-leste.gov.tl